

મેઙ્ગસુ

જ્ઞાનદિ તાકતા



સિતમ્બર 2025

પ્રકાશન - 3

ઓપરોલ લેક

“सीता मननि स्कूलदि दारि”

सीता एपरोलू समाजलोनकि पादरोन्डपाटलो पेल्ला उनिन्दि। दन परिवारलो मेइलोकि पेन चेतशतानकि निर्भर उन्नेलु। रोजुनि पोदने पोदनेनि सीताया गाब्बा लेगिंग निलु भरतनकि अलतोनादि, एइलोनुच्चि कापलो पुटकोतोनादि मननि अलाम्मदि मदद चेतोनादि। मरि दन दिललोनि ओकिट कल्ला उनिन्दि – अदि पढतान चाहतुनिन्दि।



उरलोकि स्कूललोकि दन संगिया नोउकोट्टा-पादबाइकोट्टा, कविता आलकिचक्कोट्टा मननि अक्षरलो रासोडु। सीता दोरो नाबाडि आइदि अबाजा अलक्किचोदि मननि मन ए मनलोकि एसारिचोदि– “कास नानमोलोनि पाअइतेनि।” ओकनाडु आदि दन हिम्मतोति अपन अलाइतोति एनिन्दि - “नानमोलोनि इस्कुलु अलतानू आहानु।” अलाइया सुरुनाडु मना चेसिडु, एनकटे इटाकाइपेन्नि मननि मजदूरीपेन्नि अदि नदमोलोनि जरुरत उनिन्दि। मरि अलाम्मा एनिन्दि - “अदि पाइन्दाआटेनि रेपु मा इल्लु बदलपोहोदि।”

सिताया मेलमेलनि पाइतानकि सुरु चेसिइन्दि। मोट दनपेरि रासिन्दि, मननि गिनतीया नेइसिन्दि। दनकि हर अक्षर कोतकोति खजाना लग्गोइ। एपडु अदि अको लागोदि, आपडु एलागिनि अदि कोतदि देसलोकि गाबोच पोहोदि। इपालि अदि रोजुनि इस्कुलु अलतोनादि मननि अदि गूडलोकि अडोलकि अक्षरलो नेइपोदि। सीतादि कल्ल उनिन्दि ओकिट गुरुया बनतनकि उनिन्दि, आपडु दनलेट पेयाइलो एककानि मोटा पाडाला।

👉 सातरो नेइसु

- पाइतानकि अकतकनि सीमित ओन्डकातोहोन्दि – इदि जीवना बदलतानकि ताकता।
 - ओक पिलोइदि कल्ल अत्ता परिवार मननि समाजा भविष्य बदलातोहोन्दि।
- हिम्मत मननि मदततोनि असंभवि संभवि एपोहोदि।

📖 नेइतानकि महत्वा

1. **आत्मविश्वास मननि सम्माना** - एपडु माओ पाइतोनाउ, अपडु मालाइतानकि मननि पेनचेतानकि आत्मविश्वासा ओतोहोन्दि। मेइस्लु मा माटा अलकेतोनालु मननि माकि इज्जत इतोनालु।
2. **हक मननि अधिकारा** - शिक्षातोति माउ मा अधिकारा कोनकोतोनाहो मननि अन्यायदि खिलापा मालाइतोनाउ।
3. **पेन्नि मननि तरक्की** - मेइले एनानि, नौकरी एनानि या चेन व्यवसाया, इ अन्निनि पडाअइ तोति कोत्तिनि तोरक्किया दोरतोहोन्दि।
4. **समाजदि उन्नतिया** - एपडु पाअइपेइ ओट्टोनालु, आपडु पूरा समाजा अत्तानि मोटा बेइतोहोन्दि। उरलोकि स्वच्छता, स्वास्थ्य मननि एक दसरतानि मदत बइतोहोन्दि।

⚠️ शिक्षाया अनदेखया सोतानकि परिनामा

1. **धोखा मननि शोसन** - पाइबेइलोलुआलु आसानी सेनि धोखा एपतोहोलु। वालु फॉर्म, मोन्दल पेरि मननि रोपालु लाक्का सेइला पोतोहोलु।
2. **बीमारी मननि गरीबी** - जानकारी कमीनुच्चि ओल्लुदि स्वास्थ्य बिगइतोहोन्दि, मननि परिवारलो गरीबीलोकि पेइ उन्हालु।
3. **भविष्यमेन्दा असरा** - एपडु तेल्लि -तेन्डि पाइबेइ ओन्डकातु उन्हालु, आपडु पेयाअल मोलोनि अनक्कि उन्डपोतोहोलो मननि पीढ़ी-पीढ़ी अलागे ओनहानु।
4. **सम्माना कमी** - पाअइबेइलोपोइ मोरो मेइसमेन्दा निर्भर ओन्हाल मननि समाजलोकि अल इमाटलो ताप्पो अलकेतनाहलु।

👉 निष्कर्ष

- ज्ञानेनि एसली ताकता। इदि माकि सही दारि चेबेतोहोन्दि, गलता कोनकोतानकि सक्ति इतोहोन्दि, मननि समाजा बदलतानकि ओक साधन उन्डादि।

ओपरोल वर्णमाला

अ अनरा 	आ अलु 	इ इल्लि 	ई ईटा 	उ उत्तलु 
ऊ ऊनु 	ए एगि 	ओ ओंकाया 	अं अंगुरु 	
क कर्ा 	ख खिड़किया 	ग गाडदि 	घ घड़िया 	च चाँपा 
छ छनिया 	ज जेरिलु 	झ झान्डा 	ट टोपिया 	ठ ठागनोडु 
ड डोलु 	ढ ढाक्कना 	त तंबिलि 	थ थना 	द दन्डा 
ध धाना 	न नका 	प पंड़िया 	फ फाइलि 	ब बंगरउँ 
भ भाला 	म मसउँ 	य येदु 	र रमोन्दु 	ल लेड़ि 
व वाकिलि 	स सन्दरउँ 	ह हाता 	ड़ लेड़ि, खिड़किया	

ईच्छा: ईच्छा एक मासिक पत्रिका है जो ओपरोल समाज को पढ़ाई में अगे बढ़ने के लिये मदत करता है। वे ओपरोल समाज के लोगोको ओपरोल भाषा पढ़ने ओर सिखने के लिये मदत करता है। ये बाच्चे ओर जाबान लोगो को ध्यान में राखते हुये बनाया गया है, ता कि वह समाज के बाकि लोगो को भी सिखने के लिये मदत करे।

इस पत्रिका कि अधिकतर भाग अनलाईन से लिया गया है। अगर आपको भी कुछ इसमे लिखके प्रकाश करना है तो हामसे सम्पर्क करे।

